

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 878 del 02/04/2026

Manà fora su Trentino Tv l program l vegn endrezà dal Comun General de Fascia

“Pedies” : con en sabeda ai 4 de oril vegn fora la puntata #532 del program ladin per la televijion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 532. I argomenc de chesta puntata l é l Consei de Comun de la bezes e di bec de Sèn Jan metù su col projet “Sentadins se doenta”, Itineramente - l’ènema inclujiva di lesc per n turism dassen azessibol e la rezeta da Pèsca col chech Moreno Valentini.

A Sèn Jan col projet “Sentadins se doenta” l é stat metù su l Consei de Comun de la Bezès e di Bec con chela de i arvejinèr a la istituzions. À tout pèrt la classes 4^a e 5^a de la Scola Populèra e la classes 1^a, 2^a e 3^a de la Scola Mesèna che à lità Nicole Oberthaler ombolta e i assessores. Ti meisc che vegn i enrescirà fora i besegnes dal pont de veduda de la comuanza più jona e i li portarà dant al Consei de Comun de Sèn Jan di gregn.

Itineramente - l’ènema inclujiva di lesc l é n projet per n turism dassen azessibol. Da na idea de n comun de Fascia, do svilupèda con formazion, enrescida e l zil de l’inclujion, Agnese Tagliavini l à metù su na rei de colaborazion anter Anffas, Zerostacoli, sportabili de Pardac e Fassa Fiemme sport inclusivo, per endrezèr n manuèl digitèl olache duc pel troèr fora lesc azessiboi da poder se goder en ferie o per na raïda tel temp ledech. L prum percors del projet l tol ite ence Fascia e l Museo ladin.

L chech Moreno Valentini del restorant Tobià de Zeli a Dèlba, ne porta dant na rezeta per da Pèsca coi saores da d’aisciuda: ris con spèrjes, ardel brostolà, formai de ciaura e menta. Moreno moscia sie secrec per fèr n ris delizious acioche duc posse proèr a l fèr ence a cèsa.

I reports de chesta setemèna i é stac enjigné e porté dant da Riccardo Zanoner e Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program l va fora ence su **AltoAdige TV – canal 11 Prov. de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

La puntata de chesta setemèna la vegnarà fora entorn la medema ora de la televijion.

Se pel veder i report un a un su la piata Facebook de TV Ladina.

<https://www.facebook.com/TelevijionLadina>

Traduzion di Servijes Linguistics e Culturèi del Comun general de Fascia

(cdt)

